



TSELA YA MOLOTO

FEBERWARE 2019 | KGATIŠO 7

E tšweleditšwe ke SANRAL



transport

Department:
Transport
REPUBLIC OF SOUTH AFRICA

SANRAL

Dintlha tša protšeke

Leina la Protšeke

Protšeke ya Tsela ya Moloto

Balaodi ba Protšeke

Madoda Mthembu
Nontobeko Mathenjwa
Lawrence Chauke
Riaan Oerlemans

Selete

Selete sa ka Leboa

Borakonteraka ka la Desemere

2018:

Badirišani ba Lesolo la

Mohlakanelwa (Limpopo)

Modirišani yo mogolo wa Lesolo la Mohlakanelwa (JV): KPMM
Badirišani bao ba nepišitšwego ba Lesolo la Mohlakanelwa: Chauke Business Enterprises (CBE)

Badirišani ba Lesolo la

Mohlakanelwa (Mpumalanga):

Modirišani yo mogolo wa Lesolo la Mohlakanelwa: Raubex
Badirišani bao ba nepišitšwego ba Lesolo la Mohlakanelwa:
Khuluphala Trading, Themolo le BizAfrika (ye ka go le lengwe e bitšwago Moloto JV partners)



- 2 Kopana le sehlopha sa protšeke sa SANRAL le bakgathathema bao ba rwelego maikarabelo a go kaonafatša Tsela ya Moloto ya R573. Selekane sa bona se boholokwa go netefatša gore go ba le protšeke ye e atlegilego.

Tsela go fihla mo lebakeng le

Go agwa ga dikgato tša mathomo tša go kaonafatša tsela ya Moloto ya R573, ye e lego ya dikhilometara tše 137 go tloga Gauteng go fihla Mpumalanga le Limpopo, go kgauswi le go fela. Protšeke e thomilwe semmušo ka 2015.

SANRAL e beeeditše tšhelete ye e ka bago R3.7 pilione go protšeke ye ka moka, mo mengwageng ye mehlano go fihla go ye tshela. Ditekanyetšo tše ke tša dikarolo tša tsela ya Mpumalanga le ya Limpopo fela. Karolo ya tsela ya Gauteng e tla thekgwa ka mašeleng ke mmušo wa Phrobentshe ya Gauteng. Dipersente tše masometharo tša boleng bja protšeke ye di tla fiwa Dikgwebopotlana, dikgwebo tša magareng le dikgwebo tše nnyane (di-SMME).


Mollwane wa mošomo ka go kgato ya mathomo (ya Mpumalanga le Limpopo) o akreditše go agwa ga ditsela tše nne tša go dikologa (ditsela tša sediko tša sephethepheth); tše tharo ka Mpumalanga – ka Vlaklaagte 1 & 2 le ka Tweefontein – le e tee ka Limpopo – magahlanong a ditsela tša N11 le R573 ka Marble Hall. Ga go mošomo wo o tšwelego wa go bulela thentara ya karolo ya tsela ya Gauteng ya protšeke ye, ka ge protšeke ye e sa le legatong la tlhamo.

TGo bile gape le go agwa ga magahlano a ditsela – ka Mathys Zyn Loop; go akaretšwa go katolosa methaladi ya tsela go ya go dimetara tše 3.7 tše di nago le mathoko a dimetara tše 3 ka mahlakoreng a mabedi.

Go na le dikgato tše tharo mo lebakeng le tše di lego legatong la tlhamo, tše di tlago direlwā thentara ka 2019.

SANRAL e tla tšwela go fela e sedimoša ditshaba ka ga tshedimošo ka moka ya maleba mabapi le protšeke ye. Ka go le lengwe, tshedimošo ka bottlalo e ka fihlelelwā wepsaeteng ya SANRAL ya www.nra.co.za





Ka fao o ka bolokegago ka gona tseleng ya go dikologa

Go kaonafatša ga tsela ya Moloto ya R573 go dirile gore go agwe ditsela tša go dikologa (tše o gape di tsebjago bjalo ka ditsela tša sediko tša sephethethephe) bjalo ka kgato ya go fokotša lebelo go fokotša dikotsi.

Ditsela tša go dikologa ke tlhamo ye e bolokegilego kudu ge di bapetšwa le magahlano a mangwe a ditsela, a go swana le magahlano a ditsela a tšanšene ya T goba boputlo bja ditsela tše nne. Di na le monyetla wa go fokotša dikhutlo tše di thulanago, ebole di kgona go fokotša lebelo la sephethethephe ka ge di gapeletša sephethethephe go fokotša lebelo di sa eme ka botlalo, e lego monyetla o mogolo go difatanaga le go bašomiši ba bangwe ba tsela.

Seo o swanetšego go se dira tseleng ya go dikologa

- Gopola go fokotša lebelo ge o lebile tseleng ya go dikologa; gabotse ga se wa swanelia go ema, le ge go le bjale o swanetše go fokotša lebelo o hlokomele difatanaga tše dingwe le bašomiši ba bangwe ba tsela
- Ka mehla laetša maikemišetšo a gago a go retologela ka thokong ya nngelo goba ya go ja e sa le nako go fa bašomiši ba bangwe ba tsela tsebišo ye e lekanego

• Ga se wa swanelia go laeta lebone la go panyapanya la go laetša go retologela ka thokong ye nngwe ge e le gore o ya thwii, eupša o swanetše go hlokomele difatanaga tše dingwe

- Ka mehla hlokomele diroboto ka moka, ditaetšo tša tseleng le maswao a tseleng
- Ge o tsena tseleng ya go dikologa o swanetše go fokotša lebelo goba o eme go fa difatanaga tše dingwe tše di šetšego di le ka gare ga tsela ya go dikologa tokelo ya go putla
- Difatanaga tše kgolo tša go swana le dilori goba dipese di ka swanelia ke go šomiša mothaladi wa tsela wa go feta o tee go retologa, o seke wa fela pelo gomme o di fe sebaka seo se lekanego sa gore di putle pele ga ge o tšwela pele ka leeto
- Ge o ka fetwa ke go retologela ka thokong ye nngwe, o seke wa tlalelwla; efoga go gata poriki ka lebelo goba go katakatala morago; gabotse o no tšwela pele o rarele le tsela yeo ya go dikologa go fihla ge o fihla tseleng ya maleba

SANRAL e tla tšwela pele go bea pele polokego ka tlhamong le ka kagong ya mararankodi a ditsela tša Afrika Borwa go netefatša go šomišwa ga tsela mo go hlokago mathata le boleng bja bophelo bjo bo kaonafetšego go bohole.



Komiti ya protšeke ye e hlomilwego ka Limpopo

Go hlongwa ga Komiti ya Kgokaganyo ya Protšeke (PLC) go thuša ka go laola mathatma go netefatša gore go ba le kabو ye e atlegilego. Ka la 26 Oktoboro 2018, komiti e hlomilwe ka karolong ya Limpopo ya R573, go latela dikgwedi tša peakanyo le tša go rerišana le setšhaba.

PLC ke komiti ya mohlakanelwa ye e bopilwego ke bakgathatema le diforamo go tšwa ka mebasepaleng ya selegae ya Dr JS Moroka le Elias Motsoaledi. Mebasepala ye mebedi ye e bapetše ebile e abelane mellwane ya mebasepala.

Maloko a PLC a kgethilwe ke diforamo le mekgatlo go tšwa mebasepaleng ye mebedi ye le kantoro ya Molaodi wa Tlhabollo ya Ekonomi ya Selegae (LED) bobedi ba ralokile tema ye bohlokwa go kgokaganya tshepedišo ya tšišinyo ya maina.

Palomoka ya baemedi ba 14 e bopa komiti ye, go akaretšwa:

- SANRAL
- Badiredi ba tša Boentšeneere (Bongwaledi)
- Foramo ya Beng ba Dikgwebo ka Dr JS Moroka le Bafsa ka Dikgwebong
- Ntlo ya Kguebo ya Elias Motsoaledi le Fioramo ya Bafsa
- Nzunza Mabhoko le Lekgotlataolo la Mošate wa Bantwane
- Foramo ya Basadi ya Dr JS Moroka
- Makhangselara a diwate go tšwa ka mebasepaleng ye ka bobedi (maloko ao a tsentšwego ka lebaka la maswanedi a mešomo ya bona)
- Kantoro ya Molaodi wa LED go tšwa ka mebasepaleng ka bobedi
- Mokgatlo wa Dithekisi wa Dennilton (DTA)

PLC e tla hlama sefala sa kgokaganyo ya protšeke, sa phethagatšo ya mešomo, sa borakonteraka ba ka fasana le go nolofatša go thwala batho mešomong go hola ditšhaba tša kgauswi.





Go latela molao mabapi le go tsea naga fao go sego molaong

Go tsena fao o sego wa dumelelwa le go aga meago ye e sego molaong kgauswi le mathoko a tsela go tšwela pele. SANRAL e dirišana le ditšhaba ta kgauswi ebile e rerisane le ba mošate ya metse ya kgauswi go rorolla mathata a, eupša bothata bjo bo sa tšwela pele.

Mathomong a protšeke, SANRAL e dirile lesolo la go thetha le ditšhaba go ruta bakgathaterma ka ga merero ya taolo ya semolao le kabo ya naga ya mošate go ditšhaba, eupša se ke bothata bjo bogolo.

Gantši, bao ba dirago bosenyi ke batho bao ba agogo dikgwebo tše e sego tša semmušo kgauswi le mathoko a tsela gomme ba thoma go rekiša. Se ga se molaong fela, ke kotsi go polokego. Badiriši bao ba yago lefelong leo ba ba kotsing ya go thulwa ke difatanaga tše di sepelago ka lebelo ge ba putla tsela.

SANRAL e ikgafile go tlhabollo ya setšhaba le go thekga dikgwebo tša kgauswi. Le ge go le bjale, e ka se tsenye maphele a batho ba bangwe kotsing le go kwela bohloko bagwebi ba mebileng bao ba sego molaong.

SANRAL e ipiletša go ditšhaba le go bakgathaterma go ba le tirišano, kudukudu bao ba šomišago mathoko a tsela ka fao go sego molaong le go hlokonomologa mellwane ye e beetšwego meago. Le kgopelwa go latela ditshapedišo tša maleba go hwetša naga.

Ditšhaba tša kgauswi di kgopelwa go hlokombha dipakane tše di beilwego ke balekodi ba naga tše di laetšago mathoko a tsela ya bosetšhaba. Dintona/magoši ga se a swanelo go fa batho ditene ka gare ga mathoko a tsela.



THE SOUTH AFRICAN NATIONAL ROADS AGENCY SOC LTD

NORTHERN REGION 38 Ida Street, Menlo Park, Pretoria, 0081,
Private Bag x17, Lynnwood Ridge, 0040, www.nra.co.za

SANRAL FRAUD HOTLINE 0800204558

www.sanral.co.za



@sanral_za



@sanralza



@sanral_za



SANRAL



SANRAL Corporate

